

Broj: 01-03.1-9312-14/25-IO

Datum: 04. 02. 2026. godine

Na osnovu člana 69. stav (3) Zakona o javnim nabavkama Bosne i Hercegovine ("Službeni glasnik BiH", br.:39/14, 59/22 i 50/24), u postupku javne nabavke usluge: Računovodstveni program sa pratećim modulima, u skladu sa preporukom Komisije za nabavke, Uprava d o n o s i:

ODLUKU

I

Otkazuje se otvoreni postupak javne nabavke usluge: Računovodstveni program sa pratećim modulima, pokrenut odlukom broj: 01-03.1-9312-1/25 od 25.09.2025. godine, a obavještenje o nabavci broj: 260-1-2-249-3-326/25 objavljeno na portalu javnih nabavki dana 6.10.2025.godine, iz dokazanih razloga koji su izvan kontrole ugovornog organa i koji se nisu mogle predvidjeti u vrijeme pokretanja postupka javne nabavke.

II

Ova odluka će se objaviti na web stranici JP Ceste Federacije BiH d.o.o. Sarajevo, istovremeno s upućivanjem ponuditeljima koji su učestvovali u postupku javne nabave sukladno članku 70. stavak (6) Zakona o javnim nabavkama.

Obrazloženje

Ugovorni organ - JP Ceste Federacije BiH d.o.o. Sarajevo (u daljem tekstu - ugovorni organ) pokrenuo je postupak javne nabavke usluge: Računovodstveni program sa pratećim modulima. Obavještenje o nabavci broj: 260-1-2-249-3-326/25 objavljeno je na portalu javnih nabavki, dana 06.10.2025.godine. U tenderskoj dokumentaciji broj: JPCFBH 68/163/03.1-9312-U/25 kao rok za prijem ponuda utvrđen je 27.10.2025.godine u 12.00 sati, a otvaranje ponuda je isti dan u 12.15 sati u skladu s tačkom 19. i 20.

Nakon dostavljanja ponuda za predmetne usluge, dana 13.11.2025.godine, Ugovorni organ je zaprimio akt Ureda za reviziju institucija Federacije BiH broj:09-11-4-2925-1/25 od 10.11.2025.godine, kojim obavještava Ugovorni organ o nalazima prethodne finansijske revizije za 2025. godine izvršene u periodu 13.10-17.10.2025.godine. U navedenom aktu je preporuka revizije da je neophodno da Ugovorni organ uspostavi pomoćne evidencije cestovne infrastrukture, takstaivno navedene u istom aktu Ureda za reviziju institucija Federacije BiH.

Uvidom u Tendersku dokumentaciju Prilogu 4 - Tehnička specifikacija - računovodstveni program sa pratećim modulima-modul 7.- Stalna sredstva s pripadajućim pomoćnim evidencijama: šifarnik, dokumenti, obrade, inventura, utvrđeno je da predviđeni obim usluga modul 7. Stalna sredstva, ne sadrži aktom Ureda za reviziju institucija Federacije BiH broj:09-11-4-2925-1/25 od 10.11.2025.godine, preporučene pomoćne evidencije cestovne infrastrukture, te da je potrebno proširiti obim usluga u skladu sa preporukom revizije, kako je prednje navedeno.

U skladu sa prednje navedenim Komisija je dala preporuku za poništavanje postupka javne nabavke usluga: Računovodstveni program sa pratećim modulima, te je donijeta odluka o poništavanju otvorenog postupka javne nabavke usluga: Računovodstveni program sa pratećim modulima broj:01-03.1-9312-6/25 od 30.12.2025.godine.

Nezadovoljan navedenom odlukom ponuđač TENEO d.o.o. Sarajevo zastupan po punomoćniku, Advokatsko društvo „NEZIRIĆ&Partneri“ d.o.o. Sarajevo, advokat Sanel Nezirić, podnosi žalbu.

Rješavajući po žalbi Ured za razmatranje žalbi BiH donosi rješenje broj:JN2-03-07-1-78-6/26 od 05.2.2026.godine, kojim se žalba djelimično usvaja.

JP CESTE FEDERACIJE BIH

U ponovnom postupku, postupajući u skladu s uputstvima i stavovima iz Rješenja URŽ-a broj: JN2-03-07-1-78-6/26 od 05.2.2026.godine, ugovorni organ je konstatovao da je dana 13.11.2025.godine ugovorni organ zaprimio akt Ureda za reviziju institucija Federacije BiH broj:09-11-4-2925-1/25 od 10.11.2025.godine, kojim obavještava o nalazima prethodne finansijske revizije za 2025. godine izvršene u periodu 13.10-17.10.2025.godine, putem revizijskih postupaka koji uključuju i praćenje preporuka iz prethodnih revizija. U navedenom aktu Ureda za reviziju institucija Federacije BiH, a u vezi s uočenim slabostima sistema, tokom vršenja revizijskih postupaka, utvrđeno je da ugovorni organ nije uspostavio pomoćne evidencije cestovne infrastrukture, koje trebaju sadržavati:

- identifikacione podatke o imovini (naziv, lokaciju, oznaku dionice, klasifikaciju i šifru imovine);
- podatke o nabavnoj knjigovodstvenoj vrijednosti (početna vrijednost, amortizacija, knjigovodstveno stanje);
- podatke o promjenama vrijednosti (ulaganje, rekonstrukcija, rashodovanja): podatke o tehničkim karakteristikama (dužina, površina, tip kolovoza, godina izgradnje);
- podatke o vlasništvu i upravljanju (nosilac prava upravljanja, odluke o kategorizaciji i registraciji),

te dao preporuku cestovnu infrastrukturu knjigovodstveno evidentirati kao materijalnu imovinu u skladu sa zahtjevima MRS-16-Nekretnine, postrojenja i oprema i Zakonom o računovodstvu i reviziji F BiH, te osigurati njihovu potpunu povezanost s glavnom knjigom i evidencijom stalnih sredstava.

U tenderskoj dokumentaciji Prilogu 4 - Tehnička specifikacija - računovodstveni program sa pratećim modulima-modul 7.- Stalna sredstva s pripadajućim pomoćnim evidencijama: šifarnik, dokumenti, obrade, inventura, prema datom opisu modula, ne sadrže pomoćne evidencije cestovne infrastrukture, odnosno ne osiguravaju postupanje po datoj preporuci iz akta Ureda za reviziju institucija Federacije BiH broj:09-11-4-2925-1/25 od 10.11.2025.godine.

Slijedom prednje utvrđenog činjeničnog stanja, kumulativno su ispunjeni zakonom propisani uslovi za otkazivanje postupka javne nabavke u skladu s članom 69. stav (3) ZJN, a što nije osporeno niti rješenjem URŽ-a broj: JN2-03-07-1-78-6/26 od 05.2.2026.godine, kako slijedi:

- razlog za otkazivanje postupka je izvan kontrole ugovornog organa, s obzirom da su razlog radnje koje preduzima drugi nadležni organ - Ureda za reviziju institucija Federacije BiH na koje ugovorni organ nije mogao uticati,
- razlog za otkazivanje predmetnog postupka nije se mogao predvidjeti u vrijeme pokretanja postupka- obavještenje o nabavci broj: 260-1-2-249-3-326/25 objavljeno na portalu javnih nabavki dana 6.10.2025.godine, a rok za prijem i otvaranje ponuda je 27.10.2025.godine, a sve prije zaprimanja akta Ureda za reviziju institucija Federacije BiH broj:09-11-4-2925-1/25 od 10.11.2025.godine.

U skladu s prednjim činjeničnim utvrđenjem, predlaže se otkazivanje postupka javne nabavke usluge: Računovodstveni program sa pratećim modulima, zbog dokazanih razloga koji su izvan kontrole ugovornog organa i koji se nisu mogle predvidjeti u vrijeme pokretanja postupka javne nabavke.

U skladu s prednje utvrđenim činjeničnim stanjem, donijeta je odluka kao u dipozitivu.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

v.d. direktor


Ljubo Pravdić, dipl.ing.grad.

Dostaviti:

- Ponuđačima (sa dostavnicom)